

大埔縣

卷第二十五

人物志八 列傳八 儒行

卷第二十六

人物志九 列傳九 文苑 附藝

卷第二十七

人物志十 列傳十 忠烈 附死

卷第二十八

人物志十一 列傳十一 耆德

卷第二十九

人物志十二 列傳十二 孝友

卷第三十

人物志十三 列傳十三 列女

方外

民國新修大埔縣志卷第二十五

人物志八

總纂溫廷敬輯纂

列傳八

儒行

鄔紹銓字衡衷同仁人庠生須芳之子萬曆間補邑庠赴成後進鄉諸先達多出其門母老失明醫治弗效終歲茹素叩斗偶於神前拾藥試服立愈人以爲孝德所感明季流寇攘境審知其宅相戒勿犯嘗夜坐盜入驚逸默識其人晨遺酒食勸令改行卒爲良善晚年淡泊自適常訓人以存心養性之功壽登八十有七

舊志

藍遇試字仕登湖寮人邑諸生早失怙事母至孝文章氣節動以古人自期子弟見必具衣冠遂于性命之旨惠潮學者多出其門卒之

日弟子執紼者數百人一時遠近畢集

舊志

吳欽紳字懋佩天啓元年恩貢性至孝遇親疾焚香頂禱祈減年以益親壽舌耕所入悉歸父母均之昆弟無私橐也潛心篤學著有壁經問難爲時所宗

舊志

丘宗文號敬所百侯人弱冠補弟子員克敦孝友事繼母米氏養葬盡禮家訓森嚴嘗以詩書力田本務相勸勉有不遵者繩以法崇禎十二年舉鄉飲卒年九十有一子泓邑諸生孝事重闈承歡備至課督諸弟相繼遊泮值明季寇攘泓率鄉勇捍禦有方季子濤亦庠生學厭時趨讀書侯之馬山寺與同里進士蕭右溪爲文章莫逆訓俗型方誘掖後進俱能世其父業

據舊志修

藍嗣蘭同仁人處士藍拱五之側室子也事嫡母如所生父病嗣蘭

爲嘗糞鬻年能讀父書舉動異常兒寇變扶母遁山寨二弟道失復
返覓弟遇賊幾不免或曰此藍孝子也乃釋之嘗有負薪者竟日不
售其家方待炊嗣蘭聞而憐之贈以粟而已粟反不給爲減食不悔
與同里黃一淵爲莫逆交以詩文氣節相砥礪一淵慷慨激烈而嗣
蘭和平恬靜淡于仕進值明季世亂遂隱居不出順治間吳六奇開
閩三河聞嗣蘭名遣使饋以金帛嗣蘭曰將軍功在桑梓野人拜賜
多矣金帛何爲却弗受喜讀唐宋大家文所纂族譜及西山諸序記
得其神似尤工書求無弗應性愛潔掃除一室無纖塵出之田間見
稗草卽解履除之農夫惰芸者輒相戲曰待藍芳谷來芳谷嗣蘭自
號也晚年築小隱庵一經課子輯家禮以訓族人將卒之歲擬陶元

亮自祭文脫稿月餘無疾而逝

據舊志卷五
墓閣集修

饒希燮字彥粹號梅菴城坊人附貢生授國子監學正明季梁良之亂同伯父澄捐募守禦請兵救援賊遁去全城安堵己丑大饑捐粟賑濟舉鄉飲大賓不就著桂花隨筆二十餘卷又作梅花詩百首以

自況云

舊志

饒點字文達號迴凡明季諸生童年失怙奮志力學每讀必百遍輒歷久不忘時際滄桑屢試鄉闈不遇遂家居課讀爲事生平善體父志祖先塋墓獨任營葬至修建宗祠學舍文昌祠諸義舉靡不捐貲勲成享年七十有九子其範邑庠生其臧由庠生應例任福建平和縣尹卒於官以忠烈著

舊志

黃士高古埜石子畋人明季庠生清定鼎後仍以科舉取士後遂食餼列明經高陂黃族之得科名自士高始饒平掛印總兵官吳六奇

聞其名聘爲西席六奇以士高居室後多陰煞門前水反弦形勢欠佳欲助其在塏上田中別創屋宇以資久居士高以有妨張李二姓住宅固辭不可平生宅心忠恕多類此

據黃翰華撰墓志銘修

蕭元溥字若充號然美百侯人博學能文教授生徒皆有成立子孫稍有過杖扑不少貸疾惡嚴而持己端里黨咸敬畏之與陳園公李悔菴侯止菴爲文章莫逆著有尙書要解知濠園詩文集兩舉鄉飲賓卒年七十有五子其寬字順明性孝友康熙十三年閩寇田養民竄擾其寬捐穀二千餘石備器械嚴守禦鄉里賴安永定男女被虜者過境爲贖歸俾得完聚修祠墓增祖嘗爲族人賓興之費援例爲儒林郎贈父如其職孫彝章字適孝性嗜書嘗捐貲修溪北水圳後人利賴之永章字適祚號膺齋歲貢生性嚴正族戚有過皆懇切相

勸承父業頗裕自奉約而賓祭則從豐丙丁歲薦饑平糶煮賑閭里
戴德又嘗捐銀三百兩贖祀田歸諸祖歲祀得無缺焉

據舊志修

楊士薰字伯解號南麓百侯人順治十一年拔貢廷對部司授教習
不就生平學問具見本原家居切劘子弟嘗示諸子曰讀書須從聖
賢處尋取人倫日用間體貼久之自當有得尤好義知無不爲族有
祖祠燼於寇慨然修復身任其瘁康熙七年百侯水災土堡圯士薰
曰不亟建難將作堡成寇果至一鄉數百家悉棲其中賴得免里中
派役舊惟正餘戶當之正戶爲鍾危郭熊連黃羅宋張鮑吳梁曾等
姓而蕭楊池林陳邱李諸姓皆不與派累日繁正餘戶勢不能支士
薰乃與里人蕭翺材池延宗謀均役之策分五股輪值以楊姓爲一
股蕭爲一股池林陳爲一股丘李爲一股原正戶爲一股自是正餘

餘戶稍得寧居十三年耿逆陷鄰邑永定婦女被掠甚衆有持就百
送鬻者士薰傾貲代贖覓其夫還之復有失其女旣跡得所在而苦
于贖費莫措者告哀于士薰士薰時不能自爲力乃爲募引醵金與
贖並給以歸資一時被其德者設士薰祿位於家焚香頂祝卒年六
十六子之徐康熙三十七年進士孫曾以下成進士者五人館選者
三分部者一登賢書者十八人貢監膏衿七十餘人嶺外衣冠之盛
所僅見也

據舊志企南軒
編年錄參修

吳復新字懋遇又字格兩同仁諸生家貧有學行順治初饒鎮吳六
奇耳其名延爲西賓繩以禮法子弟皆敬憚康熙十三年閩變羣醜
伺釁竊發設謀以安鄉堡王師南下擬派鄉夫三百名復新詣軍門
請捐金傭役以免其擾鄉人德之卒年七十有八

舊志

楊鳳來字營若號儀廷賦性方潔日與季弟之徐道義相勗好施濟不苟取嘗設帳饒邑覩九峻嶺崎嶇以所得脩金捐修之行人稱便鄉有宋代江濂夫婦舊遺屋地世爲侯南公業鳳來就其地建約亭三椽以祀其夫婦時集子弟講約其中正襟危坐凜然不可犯生平攻舉子業爲文涉筆立就屢困棘闈卒以明經老孫必拔字彙茹號茅庵乾隆四十五年歲貢閉門課子足跡不履市廛性樸而介動以古人自期治家嚴肅左道不入其門里有敗行輒畏其知教授生徒則真切如子弟故鄉之後進多出其門卒年七十有五子元彝元興

俱舉人以元興贈廣靈縣知縣

舊志

張鳳彩字華甫號翰九保安甲麻園里人弱冠補邑庠讀書淹貫秉性正直鄉黨咸宗仰焉康熙二十三年前令宋修縣志採訪參訂甚

得其力享壽九十有六

舊志

吳砥柱字尹岐號伊溪湖寮人康熙甲午與門人黃元忠邱夢賚仝膺鄉薦事祖母節孝藍氏得其歡喜獎進後學與談文終日不倦年入十三選授番禺縣教諭未赴驗而卒邱夢賚字弼周亦湖寮人鄉薦後入戶部學習期滿發往直隸以知縣用值丁母艱回籍未及起復而卒生平正直好義倡置渡產捐修水利甚有功於鄉里

據舊志修

范生澆字鴻輝別字冰軒三河城坊人歲貢生生洸弟也生洸字漢祥性耽書籍兄弟弱冠卽爲名諸生稍長各以授徒爲業訓釋精詳聽講者階庭無隙地生洸手著四書五經詳說返約諸書生澆叅訂焉雍正五年登歲貢門徒舉人范元凱吳江潤等以其品行著述呈於學使楊某旌匾曰盛世儒宗先是生洸亦得惠潮道史某旌間曰

濂洛心傳云生亮嘗施大麻義安渡田倡建三河北城之通濟橋修
王編修書院及他善舉甚夥又于康熙二十四年董修三河城俱有
碑記其事後選翁源訓導以老疾辭不赴卒年八十有六子一鶴幼
聰穎補諸生胡蘭兩縣令延掌三河官學凡八載遭母喪卒嘉猷附
貢生廬墓三年起復後不樂應試遂以增生充貢送出西江寨田租
十七石爲縣城隍公費以壽終

據舊志修

廖應秋字承薦長教人弱冠補邑庠屢試優等食餼應康熙二十三
年歲貢生平孝先睦族值海氛勢熾羽檄交馳流亡載道歲有虛丁
爲族人之累應秋首倡捐金彌縫匡救族人得以復聚至修橋設渡
捐租施茶行人沐惠丙申選授肇慶府開建縣訓導因病卒于京邸

年七十有八

舊志

賀南鳳三河社人九歲能文食餼郡庠康熙癸卯丙午疊中副車時未准貢至二十九年始膺歲薦性至孝讀書正冠肅容教授生徒以立志收放心精思實踐爲務學者翕然宗之尤潛心于易著易經簡義詩賦古文辭若干卷

舊志

藍作楫字用濟號弼亭同仁人弱冠進郡庠試輒優等旋食餼事親有古孝子風篤手足之誼居恆濟貧息爭鄰里共仰乾隆五十年以恩作貢後選龍岡教諭因年邁未赴任卒年八十有六孫曾多著名

膠庠

舊志

張河書號瑞山東文部人移居曾子峯性謹樸不獵世務家貧苦讀嘗帶經而鋤研討程朱義蘊手不釋卷及壯年補邑庠屢試一等補增生乾隆三十九年領鄉薦教授里閭以身體力行爲本學者宗之

卒年六十二

舊志

饒慶中號南圃城坊人甯海牧塏裔也學問淵博克敦大本父介廬
邑庠生庭訓棊篤十歲能文及冠工制藝長詞賦受知于學使翁覃
溪遊庠戴姚二殿撰試嶺南首拔食餼屢薦棘闈爲士林領袖閩粵
交聘之學者雲集有河汾講席之風晚膺歲薦以親老不能遠離講
學鄉塾教人先器識而後文藝門下拾青紫者遠近以百十計素慈
儉館東供膳生物多畜放嘗曰吾輩讀書東脩外何錢可取其廉介
更可想矣族兄漫塘太史目爲經師人師年六袞撰其實爲壽言卒
年六十九著有詩賦論未梓子硯傳庠生清傳業儒謹愨有父風精
醫術多濟人孫厚修例授詹事府主簿覃恩贈封二代文林郎慎修
例貢生篤修監生懋修從九諸孫皆急公樂善家範肅然咸謂積厚

所致

舊志

楊受昭號融川白侯人壽甯令中迪子也少負不羈善琴書工吟咏弱冠遊庠後隨任多年家業因公賠累一空輒灰心於富貴查有遺卷盈箱愀然曰留此爲子孫造孽奚爲也悉焚之族人有醵五百金餽邑侯者侯知昭貧而轉餽之昭受而獻爲祖嘗並出金家配祀最恨恃強凌弱惡俗常于朔望傳各老成到祠拈香明誓遇墟期必曳杖循環雖弱小赴墟無剪絡索騙之虞整頓族規維持營業能使數千人姓氏不犯於有司和不流威不猛聲名早由守令游揚於當道沒後鄰里鄉黨猶追慕無已次子丹詔庠生三子丹篆監生孫周楨由廩生中副車聯領鄉薦皆及身見之卒年八十二

舊志

饒斌號吉甫城西人弱歲能文工書法以縣試第一遊庠列優等充

增廣生嗣援例入貢爲人格遵禮法細行不苟待友疎財仗義一生教讀官幕絕不預案牘事當道敬之年六十八無疾而逝

舊志

楊士梁字文學號伯亮家素裕動循禮法爲里閭所欽式勳志詩書充邑庠生庭訓森嚴老而彌篤子行可越可俱膺歲薦孫時憲登雍正元年賢書煌登七年賢書照應乾隆三年歲貢咸登仕籍不替家

聲

舊志

張文燦字啓晉應洲人弱冠補邑庠制行謙謹事繼母如親母撫姪如己子遇窮苦不吝賑卹甲寅閩寇田養民圍城燦捐貲率率兵捍

禦有功桑梓

舊志

楊阡字子亨號臥廬百侯人拔貢生作屏祖也少孤事母克孝定省溫清承歡備至友愛三弟甘苦共之爲邑諸生窮經研史困於場屋

益勵志勤學閉戶著述以自娛後裔雍森俱登賢書克紹其業

舊志 雍森

號槐庭乾隆二十七年舉人歷任九學陞廉州府教授性醇學博廉隅自勵新進執贄悉聽其便見面卽勉以敦崇實學力行孝弟先器識而後文藝所指授諸生無不以把持衙門武斷鄉曲爲恥士風爲之一變欽州人作傳入名宦例道光十年採入廉州府志著有詩稿

未梓遺失子繁英庠生

舊志

謝湯字盤章號警齋在城甲大富鄉人少好讀書爲文章寬厚宏博蔚然有大家風雖僅以明經終而文名特藉甚遊其門者多以文顯性孝友謙和不露圭角舉人徐景星嘗爲之述其行

舊志

廖長椿清遠長教人邑諸生性恬淡以教讀爲事所得脩金分潤兄弟創置祀田修築墳墓耿逆陷永定婦女被掠者不惜傾囊代贖壽

九十有九

舊志

饒華元字冠人號介夫城坊人少有文名府院試連冠全軍進庠隨登戊子科鄉薦考授中書改知縣居家以經史自娛課子姪爲文必宗八大家生平好義樂成人美著有西山錄壬癸集諸稿藏于家

舊志

楊成梧字敬思號葦亭雍正七年舉人乾隆十年成進士就韶州府學教授旋丁內艱服闋絕意仕進一切世味淡如也閉門講學遠近學者翕然宗之爲文脫稿立就悉遵先正法程著有蛾子山房講義

舊志

四書文稿藏于家

饒商字公序別字質居城坊人自幼羸疾默而湛思坐擁古冊冥心解會乾隆元年舉於鄉十年乙丑會試分校張太史蘇潭擬以首卷薦持衡者意見不侔遂抑置錢少司寇香樹爭之不能十三年十九